

卷一百二十三



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百二十三
 內容分類 史 政書 歷代通制
 索書號 貴重-17
 編號 B3510400

[彩色首頁1](#)

[東洋文化研究所漢籍目錄 編號: B3510400](#)
[東洋文化研究所漢籍目錄所藏漢籍善本文影像資料庫 索書號: 貴重-17](#)
[漢籍善本文影像資料庫文本杜氏通典二百卷 嘉靖十八年西樵方獻夫刊本](#)
 版權所有: [東京大學 東洋文化研究所](#)
[使用上的注意事項](#)

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 太官署 珍羞署

良醞署 主簿 掌醢署 武庫署 武器署 左右都候

丞 守宮署 主簿 武庫署 馬令

丞 諸陵署 主簿 崇玄署 諸牧監 典廩署

正 典牧署 主簿 乘黃署 諸牧監

司直 丞 評事 監 獄丞

杜氏通典卷一百二十三

禮八十 嘉二 孝類十八
大唐開元禮十八

皇帝皇后正至受皇太子朝賀

皇帝皇后正至受皇太子妃朝賀

皇帝正至受群臣朝賀并會

皇帝千秋節受群臣朝賀并會

皇后正至受群臣朝賀并會

皇后正至受外命婦朝賀并會

皇帝皇后正至受皇太子朝賀

前二日本司宣攝內外各供其職前一日尚舍奉御設御幄座於太極殿北壁南向守宮設皇太子次於

承天門外朝堂北西向又於東宮朝堂設宮臣次如
式太樂令展宮懸於殿庭如臨軒儀典儀設皇太子
位於橫街南道東北面設典謁位於懸之東北贊者
二人在南差退俱西面奉禮設宮臣版位於東宮朝
堂如常其日依時刻宮官俱集於次各服其服諸衛
率各勒所部陳設如常左庶子版奏請中嚴典謁引
宮臣各就位如侍衛之官各服其器服右庶子負俱
寶如式詣閣奉迎僕進金輅於西閣外南向內率一人執刀
立於輅前北向中允一人在侍臣之前贊者二人在
中允前左庶子版奏外辦僕奮衣而升正立執轡皇
太子具服遠遊冠若未冠則
雙童髻絳紗袍升輿而出左右

侍衛如常儀內率前執轡皇太子升輅僕立授綬左
庶子以下夾侍如常中允進當輅前跪奏稱中允臣
某言請發引俛伏興退復位凡中允奏請
皆如此儀輅動中允
與贊者夾引以出內率夾輅而趨出出重明門至侍
臣上馬所中允奏請輅權停令侍臣上馬左庶子前
承令退稱令曰諾中允退稱侍臣上馬贊者承傳文
武侍臣皆上馬左庶子夾侍於輅前贊者在供奉官
人內侍臣上馬畢中允奏稱請令車右升左庶子前
承令退稱令曰諾中允退復位令率升訖中允奏請
發引退復位皇太子輅動三師乘車訓導三少乘車
訓從鳴鑣而行文武宮臣皆乘馬以從至長樂門鑣

吹止至次前迴輅西向內率降立於輅右左庶子進
當輅前跪奏稱左庶子臣某言請降輅俛伏興退侍
位皇太子降輅舍人引就次坐侍衛如常其日依時
刻將士填街諸衛勒所部列黃麾大仗屯門及陳於
殿庭如常儀皇太子既就次侍中版奏請中嚴進伏
就陳於閣外大樂令帥工人入就位協律即入就舉
麾位諸衛之官各服其服符寶即奉寶詣閣奉迎典
儀贊者先入就位通事舍人引群官四品以下次入
就位皇太子出次舍人引皇太子三師三少導從如
式入立於太極門外之東西面諸衛率左右庶子舍人及近侍者量人從
入侍中版奏外辦皇帝服袞冕之服乘輿以出曲直



華蓋警蹕侍衛如常儀皇帝將出仗動太樂令撞黃
鍾之鍾右五鍾皆應協律即跪俛伏舉麾工鼓祝奏
太和之樂鼓吹振作皇帝出自西房即御座南向坐
符寶即奉寶置於御座如常協律即偃麾戛鼓樂止
舍人引皇太子入就位諸衛率左右庶子以下從入者立於皇太子東南西面向
上皇太子初入門舒和之樂作至位樂止立定典儀
曰再拜贊者承傳皇太子再拜舍人引皇太子詣西
階初行樂作至階樂止舍人引進當御座前北面跪
賀稱元正首祚景福惟新伏惟陛下與天同休冬至
正長至伏惟陛下如日之俛伏興舍人引降樂作復
升以下諸正至賀詞並同
位樂止皇太子再拜侍中前承制降詣皇太子東北

西面稱有制皇太子再拜宣制訖皇太子又再拜典儀唱再拜皇太子又再拜通事舍人引出初行樂作出門樂止皇太子既出公主入朝賀如別儀○皇太子朝賀○前一日守宮設皇太子次於崇義門內隨地之宜其日司贊設皇太子版位於皇后正殿之庭懸南北面皇太子朝皇后訖舍人引皇太子從納義門詣崇義門內次權停外命婦朝賀將訖舍人引皇太子出立於肅章門外命婦出訖內謁者監引皇太子至肅章門司賓承引皇太子入就位立定司贊唱再拜皇太子再拜訖司賓又引皇太子詣階升當御座前北面跪賀其賀詞同賀皇太子俛伏興引復位皇太子

再拜尚儀前承令降詣皇太子西北東面稱令旨皇太子再拜宣令訖又再拜司贊唱再拜皇太子又再拜司賓引皇太子閣內謁者監承引以出舍人引皇太子乘車還宮如來儀

皇帝皇后正至受皇太子妃朝賀

其日依時刻諸衛率各勒所部陳布妃儀仗如常內廡尉進車於閣外司則量時刻啓外辦妃服首飾衣乘車以出侍衛如常入至下車所妃降車侍從如常內侍所司引詣閣外皇帝即御座南向坐侍衛如常司賓引妃升自西階進當御座前北面跪賀詞與上同唯加尊號耳賀訖起司賓引降復位妃再拜訖尚儀前承

勅降詣妃西北東面稱有勅妃再拜宣勅訖又再拜
司賓引妃出謁皇后所御殿立於閣外六尚以下各
服其服俱詣皇后內閣奉迎如式皇后出即御座南
向坐近侍如常司賓引妃入立於庭北面立定再拜
司賓引妃升自西階進當御座前北面跪賀賀詞同上
起訖司賓引降復位妃再拜訖尚儀前承令降詣妃
西北東面稱令旨妃再拜宣令訖又再拜司賓引妃
出乘車還宮如來儀若諸王妃奉勅同朝則各服其
服先至皇太子妃車而所侍隨
入位在皇太子妃南北面西上唯不升於外
與皇太子妃同若別朝亦唯皇太子妃式

皇帝正至受群臣朝賀并會

前一日尚舍奉御設御幄於太極殿北壁下南向鋪

御座如常守宮設群官客儀等次於東西朝堂太樂
令展宮懸於殿庭設麾於殿上西階之西東向一位
於樂懸東南西向鼓吹今分置十二案於建鼓之外
乘黃令陳車輅尚輦奉御陳輿輦尚舍奉御設解劔
席於懸西北橫街之南並如常儀典儀設文官三品
以上位於橫街之南道東褒聖侯於三品以下介公鄒公於道
西武官三品以上於介公鄒公之西少南每等異位
重行北面相對為首設文官四品五品位於懸東六
品以下於橫街南每等異位重行西面北上設諸州
朝集使位都督刺史及三品以上東方南方於文官
三品之東重行北面西上西方北於武官三品之東

重行北面西上西方北於武官三品之西重行北面
東上四品以下皆分方位於文武官當品之下諸州
使人分方位於朝集使亦如之設諸親位於四品五
品之南皇親在西設諸方客位三等以下東方南
方於東方朝集使之東每國異位重行北面西上西
方北方於西方朝集使之西每國異位重行北面東
上四等以下分方位於朝集使六品之下重行每等
異位設典儀位於懸之東北贊者二人在南少退俱
西面奉禮設門外位於東朝堂每等異位重行西面
褒聖侯於三品之下介公鄰公於西朝堂之前武官於介公之
南少退每等異位重行東面諸親位文武官四品五

品之南

皇宗親在東
異姓親在西

設諸州朝集使位東方南方於

宗親之南每等異位重行東面諸州使人分方位於
朝集使之下亦如之諸方客位東方南方於東方朝
集使之南每國異位重行西面上西方北方於西
方朝集使之南東面上其日依時刻將士填街諸
衛勒所部列黃麾大仗屯門及陳於殿庭如常儀群
官諸親客使集朝堂皆就次各服其服侍中版奏請
中嚴太樂令帥工人入就位協律郎入就舉麾位諸
侍位之官各服其服符寶郎奉寶俱詣閣奉迎典儀
帥贊者先入就位吏部兵部主客戶部贊群官客使
俱出次通事舍人各引就朝堂前位又通事舍人引

四品以下及諸親客使等應先置者入就位侍中版
 奏外辨皇帝服袞冕冬至則服通袍御輿以出曲直華
 蓋蔽躡侍衛如常儀皇帝將出仗動太樂令令撞黃
 鍾右五鍾皆應協律郎俛伏舉麾鼓祝奏太和之樂
 鼓吹振作以姑洗之均皇帝出自西房即御座南向
 坐符寶即奉寶置於御座如常協律郎偃麾戛鼓樂
 止通事舍人引公主以下及諸方客使等以次入就
 位皇太子君來朝皇太子朝出訖典謂引公主以下入公初入門舒和之樂作
 公至位樂止群官客使等立定典儀曰再拜贊者承
 傳群官使客等皆再拜訖通事舍人引上公一人詣
 西階初行樂作至解劔席樂止公就席脫舄跪解劔

置於席俛伏興通事舍人引升階進當御座前北面
 跪賀稱某官臣言賀詞與太子同唯稱尊號為異賀訖俛伏興通事

舍人引降階席後上公跪著劔俛伏興納舄樂作復

橫街南位樂止群官客使等皆再拜侍中前承詔降

詣群官東北西回稱有制群官客使等皆再拜宣制

曰履新之慶與公等同之冬至云履長之慶與公等同之宣訖群官

客使等皆再拜訖舞蹈三稱萬歲訖又再拜侍中還

侍位初群官將朝中書侍郎以諸州鎮表別為一案

俟於右延明門外給事中以祥瑞案俟於右延明門

外俱令史絳公服對舉案侍郎給事中俱就侍臣班

於客使入戶部以諸州貢物陳於太極門東西廂禮

部以諸蕃貢物最可執者蕃客手執入就內位其重大者陳於廟堂前初上公將入門中書侍郎降引表案入詣西階下東面立給事中降祥瑞案入詣東階下西面立上公將升賀中書令黃門侍郎俱降各立階下初上公升階中書令黃門侍郎各取所奏之文以次升上公賀訖中書令前跪奏諸方表訖黃門侍郎又進跪奏祥瑞訖俱降置所奏之文於案各還侍位侍郎引給事中引案退至東西階前案遂出侍郎給事中還侍位初侍中宣制訖朝集使及蕃客皆再拜訖戶部尚書進階間北面跪奏其尚書奏仍侍黃門侍郎奏祥瑞訖稱戶部尚書臣某言諸州貢物請付所司俛伏興侍

中前承制退稱制曰可尚書退復位禮部尚書以次進詣階間北面跪奏稱禮部尚書臣某言諸蕃貢物請付所司俛伏興侍中前承制退稱制曰可尚書退復位侍中還侍位太府率其屬受諸州及諸蕃貢物出歸仁納義執物者隨之典儀曰再拜通事舍人以次引北面位者出公初行樂作出門樂止侍中前跪奏稱侍中臣某言禮畢俛伏興還侍位皇帝興太樂令令撞蕤賓之鍾左右五鍾皆應奏太和之樂鼓吹振作皇帝降座御輿入自東房侍衛警蹕如來儀侍臣從至閣樂止通事舍人引東西面位者以次出蕃

先出其冬至受朝見不奏
祥瑞貢物又無諸方表

會

朝訖太樂令設登歌於殿上引二舞入立於懸南面
尚舍奉御鋪群官升殿者坐文官三品以上於御座
東南西向三品以上於介公鄴公之後朝集使都督刺史及
武官三品以上於介公鄴公之後朝集使都督刺史及
三品以上東方南方於文官三品之後西方北方於
武官三品之後蕃客三等以上東方南方於東方朝
集使之後西方北方於西方朝集使之後俱重行每
等異位以北以上設不升殿者座各於其位又設群
官解劔席於懸之西北橫街之南並如常儀尚食奉
御設壽罇於殿上東序之端西向設坫於罇南加爵

一太官令設升殿者酒罇於東西廂近北設殿廷群
官酒罇各於其座之南皆有坫幕俱障以帷施設訖
吏部兵部戶部主客贊群官客使俱出次通事舍人
各引就朝堂前位典儀帥贊者先入就位通事舍人
各引升殿者次入就位侍中版奏外辨皇帝服通天
冠降紗袍冬至改服御輿以出曲直華蓋警蹕侍衛
如常儀皇帝將出仗動太樂令令撞黃鍾之鍾右五
鍾皆應奏太和之樂鼓吹振作皇帝出自西房即御
座南向坐符寶即奉寶置於座如常樂止典儀一人
升就東階上西面立通事舍人引公主以下及諸客
便以次入就位公王初入門樂作至位樂止群官客

使立定

若朝會日別設位贊拜陳引入朝禮其日二舞與工人俱入就位

侍中進當

御座前北面跪奏稱侍中臣某言請延諸公王等升

俛伏興又侍中稱制曰可侍中詣東階上西面稱制

延公王等升殿上典儀承傳階下贊者又承傳群官

客使皆再拜侍中還位群官拜訖通事舍人引應升

殿者詣東西階公初行樂作至解劔席樂止公王以

下各脫舄跪解劔置於席上俛伏興通事舍人接引

上公一人升階少東西面立定以下各立於座後立

定光祿卿進詣階間跪奏稱臣某言請賜群官上壽

俛伏興侍中稱制曰可光祿卿進詣酒樽所西面立

通事舍人引上公詣酒樽所北面立尚食奉御酌酒

一爵授上公上公措笏受爵通事舍人引上公進到

御座前北面授殿中監殿中監受爵進置御前上公

執笏通事舍人引上公退北面跪稱某官臣某等稽

首言元正首祚冬至云天長至臣等不勝大慶謹上千萬

歲壽俛伏興再拜群官客使等上下俱再拜立於席

後侍中前承制退稱敬舉公等之觴群官客使等上

下又再拜殿中監取爵奉進近臣遞進皇帝舉酒休

和之樂作群官客使等上下皆三舞蹈稱萬歲皇帝

舉酒訖殿中監進受虛爵以受尚食奉御奉御受爵

復於坵樂止初殿中監受虛爵殿上典儀唱再拜階

下贊者承傳群臣客使等上下皆再拜通事舍人引

上公就座後立殿上典儀唱就座階下贊者承傳群
官客使等上下俱就座俛伏坐太樂令引歌者及瑟
琴至階脫履於下升就位坐其笙管者進詣西階間
北面立尚食奉御進酒至階殿上典儀唱酒至與階
贊者承傳群官客使等上下皆俛伏起立於席後殿
中監到階省酒尚食奉御奉酒進皇帝舉酒太官令
又行群官酒酒至殿上典儀唱再拜階下贊者承傳
群官客使等皆再拜摺笏受觶殿上典儀唱就座階
下贊者承傳群官客使等上下皆就座俛伏坐飲皇
帝初舉酒登歌作昭和之樂三終尚食奉御進受虛
觶復於坳登歌訖降復位觴行三周尚食奉御進御

食食升階殿上典儀唱食至與階下贊者承傳群官

使客等上下皆執笏俛伏起立座後殿中監到階省

按尚食奉御品嘗食訖以次進置御前太官令文行

群官按御若下食群官按設食訖殿上典儀唱就座

階下贊者承傳群官客使等上下皆就座俛伏坐皇

帝乃飯休和之樂作群官客使等上下俱飯御食畢

樂止仍行酒遂設庶羞太樂令引二舞以次入作若

賜酒侍中承詔詣東階西面稱賜酒殿上典儀承傳

階下贊者又承傳群官客使等上下皆執笏俛伏起

再拜摺笏立授觶就席俛伏坐飲訖俛伏起立授虎

爵執笏又再拜就座酒行十二徧會畢殿上典儀唱

可退階下替者承傳群官客使等上下皆俛伏起立
席後通事舍人引降階俱詣席後跪著劔俛伏興納
寫樂作復橫街南位樂止位於殿廷者仍立於席後
立定典儀曰再拜替者承傳群官客使等在位者皆
再拜位於殿庭者若有勅賜物侍中前承制降詣群
官東北西面稱有制群官客使等皆再拜侍中宣制
訖群官客使等又再拜通事舍人引群官客使以次
出公初行樂作出門樂止侍中前奏稱侍中臣某言
禮畢俛伏興還侍位皇帝興太樂令令撞蕤賓之鍾
左右五鍾皆應奏太和之樂鼓吹振作皇帝降座御
興入自東房侍衛警蹕如來儀侍臣從至閣樂止通

事舍人引東西面位者以次出

蕃客先出

皇帝若服翼善

冠袴褶朝集使著公服

升座者服復如式

若設九部樂則去

樂懸無警蹕太樂令帥九部伎立於左右延明門外
群官初唱萬歲太樂令即引九部伎聲作而入各就
座以次作如式

皇帝千秋節受群臣朝賀

并會

前三日所司供備如式前一日尚舍鋪御座內外張
設並如常御樓之儀尚舍光祿供辦如式尚食先置
壽罇於樓上御座之東又置壽罇於樓前之東南有
簋其日平曉陳引仗衛如常儀百官常服咸就橫街
南依東西班序立侍中版奏外辦皇帝常服御座侯

褰簾通事令人引群官詣橫街北壽罇之南俱北面
中書門下及供奉官如常式立定典儀贊再拜橫街
南北百官俱再拜訖尚食奉御酌壽酒以授殿中監
殿中監以授侍中侍中執酒以立殿中監受侍中之
酒侍中執笏稽首跪奏稱千秋令節臣等不勝大慶
謹上千萬歲壽奏訖興再拜群官上下皆再拜內所
由酌壽罇之酒以進皇帝受酒承制宣云得卿等壽
酒與卿等內外同慶皇帝舉酒群官上下又再拜三
呼萬歲舞蹈又再拜訖詣座所太官令酌酒以進侍
中執酒以出群官等俱出謝酒訖就座太常卿引樂
作止如常儀其橫街南群官應有常食者引就座如式餘退其群官所獻止
露醇耐尚食等所由並其日平曉於樓之便門奉進
會畢樓上褰簾群官各出就位立定典儀贊再拜群
官等俱再拜若臨時別有進止隨事贊相垂簾群官退

皇后正至受群官朝賀

前一日尚寢率其屬設御幄座如外命婦朝儀守宮
設次於宮城門外如常儀其日未明一刻諸衛各勒
所部屯門列仗及陳布於肅章門外奉禮設文武群
官諸親蕃客使等衛於宮城門外如朝堂之式典儀
設文武群官位於肅章門外文東武西俱重行北面
相對爲首諸親位於文武五品之下朝集使蕃客等
分方位次如常設典儀贊者位於群官東北差退西

製 複 許 不

NOT TO BE REPRODUCED

東京大学東洋文化研究所

向北上又設內給事位於群官之北南向若與外命婦同時朝

則典儀於肅章門外設群官等版位文武群官依時刻集列門外俱就

次各服其服若與上基同上朝賀則上基禮畢群官仍朝服與謁引從納義門西行就版位

尚儀奏請中嚴六尚以下各服其服俱詣內閣奉迎

典儀帥贊者先入就位典謁引文武群官入就位尚

儀奏外辦皇后首飾褙衣以出即御南向坐侍衛警

蹕及設琮璽於御座並如常儀內謁者監引內給事

出就南面典儀曰再拜替者承傳文武群官等俱再

拜典儀引為首者一人進內給事前北面跪賀詞正與賀皇帝同唯伏惟殿下與時同體為異耳賀訖俛伏與典謁引退復位

群官等皆再拜內謁者監引內給事入依式奏聞內

給事承令出內謁者監引內給事復南面位稱令旨

群官等皆再拜內給事宣令云履新冬至云之慶與

公等同之群官等又再拜內謁者監引內給事入典

謁引群官等出尚儀前奏禮畢皇后降座以入侍衛

警蹕如常儀

皇后正至受外命婦朝賀并會

前二日本司宣攝內外各供其職前一日守宮設外

命婦次如常儀尚寢帥其屬設御幄於皇后正殿北

壁南向又設命婦為首者脫舄席於西階前近西東

向如式司樂展宮懸之樂於殿庭設麾於殿上西階

之西東向內僕進重翟以下於肅章門外道東西向

北上司贊設命婦等版位於殿庭大長公主以下在東大夫人以下在西諸親婦女之下宗親在東異姓在西俱重行北面相對為首內謁者設外命婦等位於肅章門外大長公主以下於道東大夫人以下於道西俱重行相向北上命婦有從夫之爵無夫從子之爵設司贊位於東階東南西向掌贊二人位於司贊之南差退俱西向受朝日依時刻諸衛勒所部屯門列仗及陳布於肅章門外如常儀外命婦等依時刻集到宮門外至下車所道西東向以車為次北上車次定命婦等皆降車向典引引之次各服其服尚儀奏請中嚴宮官侍衛者皆朝服司贊奉琮寶依式俱詣內閣

奉迎司樂帥女工人入就位典樂升就舉麾位司贊先入就位內典引引命婦俱就肅章門外位尚儀奏外辦皇后首飾褙衣以出警蹕如常儀皇后出自西房典樂舉麾奏正和之樂即御座南向坐司贊奉琮寶置於御座如常偃麾樂止凡樂皆典樂舉麾工鼓祝而後作偃麾戛而後止司贊承引命婦以次入就位為首者初入門舒和樂作至位樂止命婦等立定司贊曰再拜掌贊承傳外命婦等皆再拜司贊引為首者一人詣西階為首者初行樂作至階樂止為首者脫舄升進當御座前北面跪賀稱妾姓等言贊詞與賀訖起司贊引為首者降階納舄樂作復位立定樂止司贊著曰再拜掌

贊承傳外命婦等皆再拜司言前承令降自西階詣
命婦西北東面稱令旨外命婦等皆再拜宣令曰履
新之慶冬至云履長之慶夫人等同之司贊曰再拜掌贊承
傳外命婦等皆再拜司賓以次引出爲首者初行樂
作出閣樂止內典引承引以出尚儀前奏禮畢還得
位皇后降座樂作入自東房侍衛警蹕如來儀樂止
女工人退

會

朝訖尚寢帥其屬鋪外命婦等之座於座上大長公
主以下於御座東南重行西向大夫人以下於御座
西南重行東向設不升殿者座席於東西廊下皆如
上儀又量設脫履席於東西階下尚食設壽罇於殿
上東序之端西向有坵爵一於罇下設升殿者酒罇
於東西廊下近北設廊下者酒罇各於其座之南皆
有坵幕俱障以帷設訖司樂帥諸樂人就位內典引
引外命婦俱詣肅章門外位尚儀奏外辦皇后首飾
褙衣以出警蹕侍衛如常儀皇后出自西房典樂舉
麾正和之樂作即御座南向坐司寶奉琮寶置於御
座如常偃麾樂止司賓承引外命婦以次入就位爲
首者初入門樂作至位樂止外命婦立定若朝會別日贊拜如
禮司言前承令降諸命婦西北東向稱令旨夫人等
升席坐司贊曰再拜贊者承傳外命婦等皆再拜訖

司賓引外命婦應升殿者詣東西階樂作為首者至階樂止俱就席脫舄於階下以升司賓引為首者一人引階近東西面立以下各就席後立司賓引不升殿者詣東西廊下席後立上下立定司賓引為首者詣酒罇所北面立尚食酌酒一爵以授為首者司賓引為首者至御座前北向授尚食尚食受進爵置御座前司賓引為首者退北面為首者跪奏稱妾姓等言元正首祚終至云天妾等不勝大慶謹上千萬歲壽興再拜外命婦等皆再拜訖司言前承令宣令云令旨夫人等同納景福外命婦等又再拜尚食取爵奉進皇后舉酒樂作外命婦等皆三稱萬歲皇后舉

酒訖尚食受虛爵復於坵樂止司贊曰再拜掌贊承傳外命婦等皆再拜司賓引為首者就席後立司贊曰就座掌贊承傳外命婦等俱就位尚食進酒至階司贊曰酒至興掌贊承傳外命婦等俱興立席後尚儀至階省酒尚食奉酒進皇后舉酒樂作如常又行外命婦酒酒至司贊曰再拜掌贊承傳外命婦等俱再拜受觶司贊曰就座掌贊承傳外命婦等俱就座坐飲皇后舉酒訖尚食受虛爵復於坵樂止觴行三周尚食進御食食升階司贊曰食至興掌贊承傳外命婦等皆起立席後尚食至階省候尚食品嘗食訖以次進置御前又行命婦按御若不食及命婦設食按先不訖不須興設食

訖司贊曰就座掌贊承傳外命婦等皆就席座皇后
飯樂作外命婦等俱飯御食畢樂止仍行酒遂設庶
羞諸伏以次作若賜酒司言前承令詣東階上西向
稱賜酒階下掌贊承傳外命婦等皆起再拜立受觶
坐飲訖起立授虛觶又再拜就席坐酒行十二徧會
畢司贊曰可起掌贊承傳外命婦等皆起立席後司
賓引降各納舄樂作俱引復階下位樂止其廊下者
仍立於席後立定司贊曰再拜掌贊承傳外命婦等
在位者皆再拜若有束帛則尚功帥其屬以束帛先
立於東西廂司言前承令降自西階詣命婦西北東
面稱令旨外命婦等皆再拜宣令訖外命婦等又再
拜尚功帥其屬以次受束帛訖外命婦等又再拜司
賓引命婦等以次出樂作出門樂止內典引承引次
出尚儀前奏禮畢遂還侍位皇后降坐樂作入自東
房警蹕侍衛如來儀樂止

杜氏通典卷第一百二十三終

杜氏通典卷第一百二十四

禮八十四

嘉三 纂類十九 大唐開元禮十九

皇帝於明堂講讀五時令

陳設 讀令

鑾駕出宮 鑾駕還宮

皇帝於太極殿讀五時令

皇帝養老於太學

陳設 養老

鑾駕出宮 鑾駕還宮

皇帝於明堂講讀五時令

其隨上讀令 如五時注儀

陳設

禮部尚書先讀令三日奏讀月令承以宣告前三日

尚舍直長施大次於青龍門外道北南向

仲春於青 陽太廟季

春於青陽右个孟夏於朱雀門外道東西向仲夏於明堂太廟季夏於明堂右个孟秋於白虎門外道北南向仲秋於總章太廟季秋於總章右个孟冬於玄武門外道西東向仲冬於玄堂太廟季冬於玄堂右